

Канон пред Максимовской иконой Пресвятой Богородицы

Память празднуем 18 апреля (1 мая)

Тропарь, глас 4-й

Днесь свѣтло красуется сла́внейший град Влади́мир, ра́достно соверша́я, Влади́чице, пра́здник явле́ния Твоего́ святителю Макси́му, в нем бѣвшаго, о нёмже ны́не воспомина́юще и моля́щся Тебе́, взыва́ем си́це: о Пречу́дная Влади́чице Богоро́дице, моли́ся Превѣчному Архи́ерею – Сы́ну Твоему́ да непоколеби́му утверди́т Це́рковь Правосла́вную, град наш Влади́мир и всю Ру́сскую зе́млю в ми́ре сохра́нит и спасе́т в правове́рии ду́ши на́ша.

Канон, глас 1-й

Песнь 1

Ирмос: Воскресе́ния день, просвети́мся, лю́дие, Па́сха, Господня Пасха: от сме́рти бо к Жи́зни и от земли́ к Небеси́ Христо́с Бог нас преведе́, побѣдную пою́щия.

Припев: Пресвята́я Богоро́дице, спаси́ нас.

Торжества́ день, просвети́мся, лю́дие! Цари́ца бо Небе́сная пресла́вно святителю Макси́му яви́ся. Те́мже лику́ем вси в ра́дости, побѣдную пою́ще.

Пресвята́я Богоро́дице, спаси́ нас.

Очи́стим чу́вствия и у́зрим в непристу́пном свѣте Ма́терь Свѣта, ко святителю прише́дшую, и, ра́дующеся, Ей вопие́м: ра́дуйся, Ма́ти Господня.

Слава: Небеса́ у́бо досто́йно да веселя́тся, земля́ же да ра́дуется, да пра́зднует же град Влади́мир и вся Ру́сская страна́ да торжеству́ет, почита́ющи заступле́ние Богома́тере.

И ны́не: Да лику́ют со́гласно Не́бо и земля́ в пра́здник Пречи́стыя Богома́тери, Та бо всем ве́рным освяще́ние подае́т. Сию́, восхва́лим, душе́вно ра́дующеся.

Песнь 3

Ирмос: Прииди́те, пи́во пи́ем но́вое, не от ка́мене непло́дна чудодѣемое, но нетле́ния исто́чник, из гроба́ ождивша́ Христа́, в Не́мже утвержда́емся.

Пресвята́я Богоро́дице, спаси́ нас.

Прииди́те благода́ть вси почерпе́м, не от ка́мене непло́дна истека́ющую, но от Пречи́стыя Богома́тере, я́ко от неисто́щимаго исто́чника, от него́же вси освяща́емся.

Пресвята́я Богоро́дице, спаси́ нас.

Прииди́те, песнь но́ву пое́м, торжество́ Богома́тери соверша́юще, со псалма́ми

и пением ликующе и Деве Пречистой с любовью поклоняющиеся.

Слава: Ныне вси исполнившеся радости, архиереи же и священники, монахи и мирстии. Празднуем светло явление Богоматери, имже утешаемся.

И ныне: Течёт благодать изобильная от Твоего, Богородице, образа, всем источаючи зол избавление, и здравие, и милость.

Господи, помилуй (*трижды*). Слава, и ныне:

Седален, глас 6-й

Владычице Препоблагословенная, услыши нас, смиренных, верно Тебе поклоняющихся и славящих державу Твою, Всечистая: инья бо, кроме Тебе, помощи, не имамы. Темже возопий поющим Тя: Аз есмь с вами, и никтоже возможет на вы.

Песнь 4

Ирмос: На Божественной стражи Боголагодливый Аввакум да станет с нами и покажет светоносна Ангела, ясно глаголюща: днесь спасение миру, яко воскрес Христос, яко всесильен.

Пресвятая Богородице, спаси нас.

На Божественной стражи, в молитвенном бдении станем и, яко светносную свещу, Святую Деву узрим, из Неяже возсия Избавитель и Господь, спасающий всех, яко Всесильен.

Пресвятая Богородице, спаси нас.

Богоотец убо Давид пред санным ковчегом скакаше, играя, людие же Божия святии, чудеса Богоматере зряще, веселимся Божественно, ибо реки милости источает нам Владычица, яко Препоблагая.

Слава: Что Ти принесем, Богомати, яко град наш Владимир освятила еси Твоим дивным явлением? Егоже ныне воспоминающе, благодарно славословим Тя.

И ныне: Днесь верным радость велия: изливает бо Пречистая милости всем, с любовью притекающим к Ней. Темже стечемся, братие, и чудес Богоматери насладимся.

Песнь 5

Ирмос: Утренюем утренюю глубокую, и вместо мира песнь принесем Владыце, и Христа узрим, Правды Солнце, всем жизнь возсияющая.

Пресвятая Богородице, спаси нас.

Утренююще, воспеваем Тя, Владычице, песней похвалы плетуще, по Твоему ходатайству надеющиеся Свет узрети невечерний, приносящий.

Пресвятая Богородице, спаси нас.

Безмерное Твое, Богомати, милосердие нуждами житейскими содержимии зряще, радуемся светло, весело вопиюще: радуйся, Радосте наша.

Слава: Приступим, священоснии, к Божией Матери днесь и спразднуем любопытственными чинми явление Ея преславное.

И ныне: Просвещается Твоими светолучными лучами и ликует днесь в Твоем

пра́зднице, Богома́ти Всенепоро́чная, благочести́вых собра́ние.

Песнь 6

Ирмос: Снизше́л еси́ в преиспо́дня земли́ и сокруши́л еси́ вереи́ вѣчныя, содер́жания́ связа́нныя, Христе́, и тридне́вен, я́ко от кита́ Ио́на, воскре́сл еси́ от Гроба́.

Пресвята́я Богоро́дице, спаси́ нас.

Сни́ди к нам Твои́м милосе́рдием, Пречи́стая, разреши́ ско́рби на́ша, виждь обстоя́ния, обдер́жа́щая нас, покрóй и заступи́ всех, Твоея́ по́мощи те́пле и́щущих.

Пресвята́я Богоро́дице, спаси́ нас.

Лику́юще в пѣснех Божѣ́ственных, ве́рнии, воскликне́м Де́ве, пра́здник Ея́ соверша́юще, освеще́ния бо исто́чник излива́ет всем, с любóвию к Ней притека́ющим.

Слава: Спа́се мой Преблагий́ и вся́ческих Тво́рче, Чи́стая Богома́тере Богоприя́тными мольба́ми соблюди́ Твои́х певце́в невреди́мыми от всех бед.

И ныне: Тя поём, Богома́ти, и Тебе́ покланя́емся. Не прѣзри моле́ния рабо́в Твои́х, заступи́ в беда́х на́ших, я́ко су́щи Ми́лостива.

Господи, помилуй (*трижды*). Слава, и ныне:

Кондак, глас 6-й

При́зри на нас, Всепе́тая Богоро́дице, возсия́й просвеще́ние серде́м помраче́нным и озари́ ста́до Твое́, Пречи́стая, елика́ бо хо́щещи и мо́жещи, я́ко Ма́ти су́щи Зижди́теля, и возопи́й моля́щим Тя: Аз есмь с ва́ми, и никто́же возмо́жет на вы.

Икос

Земна́я на земли́ оста́вльше и мы́сли от страсте́й очисти́вше, прииди́те ны́не, ве́рнии, дивное́ явле́ние Богома́тери святи́телю Макси́му воспомяне́м: како́ омофо́р тому́ подаде́ и пасти́ словесны́я о́вцы во гра́де Влади́мире повеле́. Вперѣ́м зрѣние, вку́пе и чу́ства ко Пречи́стей Богома́тери и к Ней моли́тву усер́дную вознесе́м: не оста́ви нас, ста́до Твое́, Влады́чице, утѣши нас, я́ко Ма́ти, наста́ви нас, я́ко сыно́в, и возопи́й моля́щим Тя: Аз есмь с ва́ми, и никто́же возмо́жет на вы.

Песнь 7

Ирмос: Отроки́ от пе́щи изба́вивый, быв Чело́век, стра́ждет, я́ко сме́ртен, и стра́стию сме́ртное в нетле́ния облачи́т благоле́пие, Еди́н благослове́н отце́в Бог и препросла́влен.

Пресвята́я Богоро́дице, спаси́ нас.

Отроки́ от пе́щи Иза́вльшаго нетле́нно роди́ла еси́, Пречи́стая, по Рожде́ствѣ, я́ко и прѣ́жде Рожде́ствá, сохра́ньшаго Тя. Егóже моля́щи не преста́й с любóвию чту́щих Тя.

Пресвята́я Богоро́дице, спаси́ нас.

Вси ны́не, Богому́дри, собері́тесь, свѣтлое прѣзднество соверша́юще, Влады́чицу вѣрно от душі́ восхва́лим: ра́дуйся, Благословѣ́нная, Ма́ти Бо́жия Препросла́вленная.

Слава: Вои́стинну свяще́нное ны́не, Богома́ти, сіе́ торжествó, егóже святі́тель Макси́м учреді́ во свидѣ́тельство всем неусы́пнаго Твоегó о ста́де Твое́м промы́шленія. Тѣмже Тя с любóвию велича́ем.

И ны́не: Вси ны́не со благоговѣ́нием поклоні́мся Пречи́стей Дѣ́ве Богома́тери, моля́щся со святі́телем Макси́мом и – ра́дуйся – Гаври́и́лово принесѣ́м Благодѣ́тней.

Песнь 8

Ирмос: Сей наречѣ́нный и Святы́й День – един суббо́т царь и госпо́дь, прѣзди́ков прѣзди́к и торжествó есть торжѣств, в о́ньже благослови́м Христа́ во вѣ́ки.

Пресвята́я Богоро́дице, спасі́ нас.

Сей наречѣ́нный и Святы́й день всех во гра́де Влади́мире и во о́бласти егó су́щих созывает на весѣ́лие. Сні́демся ўбо в ра́дости и возопи́м Богоро́дице: ра́дуйся: Чи́стая, во вся вѣ́ки.

Пресвята́я Богоро́дице, спасі́ нас.

Прииді́те, вѣрнии, испо́лнимся Божѣ́ственнаго благоуха́ния в прѣзди́к Бо́жия Ма́тери и Сио́у просла́вим, пою́ще во вся вѣ́ки.

Слава: *Трои́чен:* Отче Вседержі́телю, и Сло́ве, и Ду́ше, Еди́но в Трѣ́х Ли́цах Суще́ство, сохрани́ град сей и зѣ́млю на́шу от вся́кя скóрби и беды́, мольба́ми Дѣ́вы Богоро́дицы, святі́теля Макси́ма и всех святы́х Влади́мирских.

И ны́не: Возведі́ о́чи Твоя́, Чи́стая, и виждь: се бо прихóдят к Тебѣ́ от за́пада, и се́вера, и ю́га, и восто́ка ча́да Твоя́, Тя прославля́юще во вся вѣ́ки.

Песнь 9

Ирмос: Светі́ся, светі́ся, Но́вый Иерусали́ме, сла́ва бо Госпо́дня на Тебѣ́ возсия́, лику́й ны́не и весели́ся, Сиóне, Ты же, Чи́стая, красуй́ся, Богоро́дице, о востáнии Рожде́ства Твоегó.

Пресвята́я Богоро́дице, спасі́ нас.

Светі́ся и ра́дуйся, сла́вный гра́де Влади́мире, і́бо Богома́терь тя гра́дом Свои́м наимено́вала, лику́йте ны́не и веселі́тесь, вѣрнии, красуй́ся же, и вся Ру́сская земля́, заступлѣ́нием Влады́чицы храни́мая.

Пресвята́я Богоро́дице, спасі́ нас.

О Божѣ́ственнаго, о любѣ́знаго, о сладча́йшаго Твоегó гла́са, егóже святі́телю Макси́му изрекла́ еси́! При́сно ўбо, о Богома́ти, промы́шляй о ста́де Твое́м, да, Тя Помо́щницу во всем иму́ще, раду́емся о Твое́м заступлѣ́нии.

Слава: О Ма́ти Бо́жия и Дѣ́во! в моли́тву приводим Тебѣ́ чудотворцев Влади́мирских, і́хже предста́тельством при́сно покрывай нас в жити́и сем, сподо́би же и нас невечѣ́рнаго дне во Ца́рствии Сы́на Твоегó.

И ны́не: Согласно́, Дѣ́во, Тебѣ́ блажи́м, вѣрнии: ра́дуйся, Ма́ти Бо́га на́шего Пресла́вная, Присноблаже́нная и Пренепоро́чная, еди́на, честне́йшая Херуви́м и сла́внейшая без сравне́ния Серафи́м.